

1512 (13 JUILLET).

Furent pesez en la chambre des monn^{es} six escuz au porc espic de la monn^e de Rouen, de l'ouvrage de Jehan Dieu, m^e part^{es} de lad. monn^e, apportez en lad. chambre le 15^e jour d'avril aud. an par m^e Pierre Porte, général desd. monn^{es}, faisans porcion des 11 escuz mis en sizaille par les gardes de lad. monn^e d'une brève de 698 desdiz escuz par eulx fait monnoyer le 18^e jour de mars 1511, lesquels furent desrobbez en lad. monn^e par avant que en faire délivrance, avec 540 autres deniers desd. escuz au porc espic, aussi fait monnoyer par lesd. gardes le 21^e jour dudit moys ensuivant.

Pour lequel desrobement ledit Jehan Dieu estoit et est encores detenu prisonnier audit lieu de Rouen comme accusé d'iceluy. Lesquelz 6 escuz furent tresbucheux et trouvez de bon poix et recours, et de loy eschars $\frac{1}{16}$ de carat d'or fin pour marc.

(A. N. Reg. Z, 1^b, 7.)